

tametsi paucis abhinc annis maximam jaſturam paſſa, dimidio jam ſit anguſtior. Ab hac avulſa eſt civitas non ignobilis *Romerswalia*, quam nullis excultam agris, nullis exornatam pomœriis Oceanus undique alluit, ita ut unica ſalis negotiatione ſubſiſtat. In hac urbe Comites Zelandiæ ſolenne juramentum præſtant: quod quum ex more etiam Philippus Hiſpaniarum Rex eſſet faſturus anno CIO IOXLIX, *Nicolaus de Conſulte*, cujus ædibus Princeps excipiendus erat, hos verſus oſtio ſuo adſcribi juſſit:

Vidimus adſueto privatum lumine Solem: Cæſarea proles, Semideumque decus:
Pallida turbato vidimus aſtra die. Cuncta reſuramus tranſacti triſtia ſecula,
Vidimus undantis horrendos æquoris æſtus Quod præſens noſtrum teſtificatur opus.
Nos miſeros Belgas quum obruit Oceanus. Sit licet exiguum, ſit pro ratione voluntas,
Vidimus aſt poſtquam te Gloria noſtra Philippe, Nil facit ad noſtrum parva carina fretum.

In Occidentali vero Inſulæ parte ſita eſt *Goſa* civitas, ad oſtium unum Scaldis quod *Schenge* vocant. Vrbs non tam ampla quam amœna & divitiis pollens, quum unica nunc ſit in ea Inſula: Cives habet morum humanitate perpolitos, Senatum prudentem. Tertia Inſula Zelandiæ cis Scaldim ad Occaſum ſpectans, eſt *Nortbevelandia*, in qua Vrbs *Cortgeene*, pagi permulti: tota hæc cataclyſmo anni CIO IOXXXII periit: nunc tamen paullatim reſtituitur. Quarta Inſula eſt *Wolferdyck*, quaſi dicas agger Wolfardi: exigua admodum, utpote in qua duo duntaxat pagi ſunt. Decem igitur ſunt Zelandiæ urbes, pagi plures: centum ſcilicet atque amplius. Incolæ ſunt ingenioli, ſagaces, providi. Statura Incolis media. Referunt tamen Annales a Wilhelmo Bono Hollandiæ Comite ad nuptiarum ſolennia Caroli Pulchri Franciæ Regis, adductam fuiſſe inuſitata corporis mole fœminam, natione Zelandam, præ qua proceri etiam viri puſiones videbantur: tanto enim erat virium robore, ut bina dolia cereviſia refera ambabus utrinque manibus portaret, quæ ſingula quadringenta pondo Italica appendebant, trabemque cui attollendæ impares octo viri fuerant, quo vellet, tranſferret. Navigandi artis ſunt peritiſſimi: Salem atrum & ſordidum qui ex Occidentalibus regionibus adferret, ſingulari artificio excoquant, magnis atque amplis lebetibus, redduntque ita purum & candidum, ut cum nive etiam certare poſſit. Rudi Hiſpanico vel Armorico adfundunt aquam marinam, decoquant, colliguntque pro centum ſalis Hiſpanici, centum quadraginta quinque libras puriores. Hunc Salem per Galliam, Angliam, Daniæ & reliquam Europam divendunt. Ex re præterea frumentaria, lectiſſimoque Triticum, atque ex Rubia, Sallamentis, Pecorumque & imprimis Ovium copia, magnos quæſtus faciunt. In re familiari ac domeſtica omni elegantia nitidi ſunt & expoliti: in rem attenti, in Mercatura induſtrii, in pauperes benefici ac liberales. Status Politicus Zelandiæ ſolebat conſtare tribus Membris, uno Præſato, qui totius Eccleſiaſtici Ordinis locum ſupplebat, eratque Abbas *S. Nicolai* Ordinis Præmonſtratenſis Middelburgi. Vno Nobili pro toto Ordine, *Marchione Verenſi*: Et Civitatum communitate, quarum præcipuæ eæque a nobis ſupra memoratæ: *Middelburgum, Zirizea, Veria, Fliffinga, Tola, Martinianus agger, Romerswalia & Goſa*. Sed de Zelandiâ hæc pro loci anguſtia ſufficiant.

Mores.

Opificia.

Mercimonia.